

清・周樂清輯編著手定底稿本

楷書

並蒂葫蘆

不分卷

文海出版社

有限公司
印行

並蒂葫蘆

並蒂葫蘆不分卷

清周樂清輯編著手定底稿本 楷書

卷端首題「海昌周樂昌輯」，書名「並蒂葫蘆」，蓋取聞見之佳聯雋語，隨筆記錄。故卷中所輯，以各地名勝古蹟及先朝掌故楹聯巧對爲多。如揚州史閣部祠聯、太白樓聯、紀文達公撰聯，皆曾傳誦一時者。據卷首引言云：鳥應同聲，魚聯比目，（原稿闕目字）天下之文，斷不致有奇無匹，是並蒂葫蘆之不可不作云。觀此可以知編者之旨趣焉。

並蒂葫蘆引

天下物必有偶或竟遥遥千載居然有對待之文昔曾續
金瓶堂無雙譜樂府六十章而李石梧俞霞軒猶搜討史冊
苦相結難以為峯高南北水合淄澠烏應同聲魚聯比
斷不致有奇無匹是並蒂葫蘆之不可不作也

海昌周樂清輯



神廟聯額

神廟聯額最難確切新穎而又須含蓄如關廟之青燈青
史赤面赤心城隍廟之旌善伐惡作福降祥等層層相因

3

令人厭極西湖于忠肅公祠堂額聯甚夥余最愛王陽明
題額曰為臣不易即一語而于王二公畢生心事先後遭
際已簡括盡之矣又記少時過吾邑三里亭關聖廟斷垣

剥落間得一聯云任汝標題難說一腔心事從渠封拜無

如本分亭侯又康河督基田題關廟對云臨大節而不可

奪也非聖人而能若是乎又新化縣水晶閣關聖對云孔

門未見之剛者孟氏難言此浩然脫盡科臼余城武關廟

對聯云綱紀肅千朝要維住人心六合春秋大一統莫僅

言鼎足三分似切當又相傳痘神廟對云到此際方辨妍

姪重向洪濛開面目過此關纔成兒女須從祖父立根苗

又蜀中定軍山諸葛武侯廟對云讀復政一篇出師兩表

輔嗣君孰難孰易看全身辟穀盡瘁厥躬問志何去何從
又臬礪夫人廟對云思親淚落吳江冷望帝魂歸蜀道難
皆天然巧合

佳聯隨錄

余每見佳聯雋語輒喜記錄後錄本為人竊取無從全載
僅能記憶數則乾隆間京城萬壽聖節比戶嵩祝其最
佳者如龍飛五十有五年五數象天數五象地五刑正五
事修五世同堂翱翔五鳳樓前五色斑斕輝彩散鶴筭八

旬逢八月八千為春八千為秋八元登八凱進八方嚮化
鼓舞八仙隊裡八音縹緲奏雲璈關合自然可謂天衣無

縫矣又偶於先君篋中檢得手鈔對聯一紙不知何人

所作如聲色貨利中撥得閒纔見手段困苦顛沛際立得

定方顯脚跟百年歸尺土何須僅養臭皮囊方寸可千秋

喫

緊厚培

真種子

雖未著姓名而格言雋語皆可作座右

銘

臨平楊

鵠

以甲子秋與虛谷兄過臨平見村落間一小橋題云

欲泛仙槎向何處偶流紅葉到人間甚雋又竇東皐學使

輓劉文正公對云泰岱尊嚴諸岳小天容慘淡大星沉不
可移易一字公橋上茶肆云行來十丈紅塵為人忙抑為
已忙憩息機緣原在此且飲一杯綠茗解口渴兼解心渴
清涼滋味靜思之京都雜髮店對云到來盡是彈冠客此
去應無搔首人又裱褙店對云入吾座皆名下士請諸從
壁上觀不可移易他處

聯對彙錄

俞耕餘別駕

克振

權道州篆屏有舊聯云凜天地人四知

最清慎勤三誠別駕嫌堂高對短不稱且四知中不應單

缺我知適邀同人徘徊其中偶商于余因信口荅曰何不

云凜天地人四知期於無我最清慎勤三誠守在有官語

氣便足對句亦長矣寅寮僉以為佳即改製以署沅陵任

內元旦出賀寮案所見街衢市井并門對不下數百聯中

有一聯云無情歲月增中減有味詩書苦後甜詢知為世

業課讀者真讀書種子之言焉又泮右羅君萬象由某省

縣令緣事貶道州曾見其座懸一聯云不作公卿非無福

作也

武侯祠聯

亦復如是載成都城外有武侯祠內塑武侯綸巾羽扇飄
飄然有出塵之姿令人肅然生敬又聞川陝交界處亦有
武侯祠惜已荒廢門外石條二半沒泥中上鐫字可摩挲
辨讀云其自任以天下之重如此是知其不可而為之者

分都緣嬾難成仙佛既戀琴樽又愛花甚佳惜其人行止
乖謬與聯語不類約謂此聯見於陣圍各集似羅君錄舊

與此真寫得武侯心事出青城子欲製此聯於成都祠堂
中惜未果程野亭家讀此聯不可許中人不孫可寄百里之命
○惜矣矣
見其文雲
程野亭相聯云
路各成高士
孫出師表見老臣心

四書偶語

秋雨菴隨筆卷八諸葛武侯廟集四子書為對云可託六尺之

孤可寄百里之命君子人與君子人也隱居以求其志行

義以達其道吾聞其語吾見其人關帝廟對云乃所願則


學孔子也知我者其為惟春秋乎當鋪對云以其所有易其

所無四境之內萬物皆備於我或曰取之或曰勿取三年

無改一介不以與人一持杖銘云用之則行舍之則藏惟
我與爾有是夫危而不持顛而不扶則將焉用彼相矣棋
確切不移

對識狀元

居易錄載周石山中丞說明萬歷中浙江某提學于鄞縣
謁聖廟坐明倫堂顧砌階古槐蔭極濃鬱出一聯令諸生
屬對云綠槐夾砌午陰匝地掃難開生員楊崑阜守勤應
聲對曰紅杏出牆春色滿園關不住提學擊節嘆賞曰子



必狀元及第已而果中甲辰會狀兩元官至庶子

僧奪道居

閒居偶錄載廬山道院勝處皆為富僧佔為佛寺止留山
正中老君殿一所為李道士住持羣僧百計謀逐賄囑官
司希圖判毀道士將有不能自存之勢適安溪李相國告
假歸里舟過湖口道士為相國族叔急奔告求援相國許
明日到山謁廟因大書古聯云天下名山僧占多也須留
一二奇峰供吾道友世間好語書說盡曾記得三千妙諦

出我宗傳司道府縣知相國至山皆來叅謁相國曰道士
吾叔也供奉此山已久希公等照拂僧計沮而廟得存

鬼寄聯語

閨居偶錄載建寧洛洋堡有村農林姓素不識字暴病死
忽回陽口中隱隱有念誦聲衆問其如何得生村農曰我
適至陰府路逢族叔生員某方巾道袍與數友携一童子
肩食盒見我曰汝陽壽未終何故來此可速回復曰我家
書樓少一聯我已撰成汝為我記歸因念誦數遍令我默